



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-2-40-220-4/26**

Datum: **16.06.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica Općina Ilidža za donošenje rješenja o vodnoj saglasnosti za ispuštanje otpadnih voda sa lokacije objekta – „reciklažnog dvorišta“, koje se planira graditi u naselju Gladno Polje, općina Ilidža, na osnovu člana 109. stav (1) tačka 2. a u vezi sa članom 114. Zakona o vodama („Sl. novine FBiH“ broj: 70/06) i članom 200. stav (1) Zakona o upravnom postupku („Sl. novine FBiH“, broj: 2/98, 48/99 i 61/22), **donosi**

R J E Š E N J E **o vodnoj saglasnosti**

1. Daje se vodna saglasnost pravnom licu Općini Ilidža za ispuštanje otpadnih voda sa lokacije objekta – „reciklažnog dvorišta“, koje se planira graditi na zemljištu označenom kao k.č. broj 687/2 K.O. Gladno Polje, naselje Rakovica, općina Ilidža, u skladu sa projektnom dokumentacijom:

„Glavni projekat vanjskih hidroinstalacija - snabdijevanja, prikupljanja, prečišćavanja i konačne dispozicije otpadnih voda „Reciklažnog dvorišta“, Općina Ilidža, K.O. Gladno Polje, k.č. 687/2, urađen od strane projektne kuće „TEAM HIDRO“ d.o.o. Sarajevo, novembar 2025. godine“

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, a ista, ovjerena od strane ove Agencije, vraća se podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o prethodnoj vodnoj saglasnosti:
 - 4.1. Radove na izgradnji sistema za prikupljanje, tretman i ispuštanje otpadnih voda sa predmetne lokacije izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. Način ugradnje separatora i stavljanje istog u pogon uskladiti sa proizvođačem opreme u svim fazama.
 - 4.3. Izgradnju kontrolnog revizionog okna, odnosno okna za monitoring, izvesti neposredno prije ispuštanja prečišćenih otpadnih voda u otvoreni kanal.
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njihove obale.
 - 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 4.6. Podnosilac zahtjeva je obavezan ispoštovati uslove iz izmijenjenog rješenja o urbanističkoj saglasnosti za izgradnju reciklažnog dvorišta u naselju Gladno Polje, općina Ilidža, donesenog od strane Službe za prostorno uređenje i zaštitu okoliša Općine Ilidža, broj: 03-19-6010-25 SL od 05.12.2025. godine.

5. Ukoliko izvođenjem predmetnih radova dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procijenjenu štetu nadoknaditi.
6. Po završetku izvođenja radova i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za vodnu dozvolu za ispuštanje otpadnih voda sa lokacije predmetnog objekta. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i ne budu započeti radovi.
9. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1, 2, 3 ili 4 Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice Općina Ilidža obratilo se ovoj Agenciji sa zahtjevom za donošenje rješenja o vodnoj saglasnosti za ispuštanje otpadnih voda sa lokacije objekta – „reciklažnog dvorišta“, koje se planira graditi na zemljištu označenom kao k.č. broj 687/2 K.O. Gladno Polje, naselje Rakovica, općina Ilidža.

U prilogu zahtjeva podnosilac je dostavio sljedeću dokumentaciju:

- Odluka o osnivanju i djelokrugu jedinstvenog organa uprave Općine Ilidža („Sl. Novine Kantona Sarajevo“, broj: 52/22);
- Kopija Uvjerenja o registraciji poreznog obveznika, izdatog od strane Porezne uprave FBiH, Kantonalni porezni ured Sarajevo, dana 15.01.2021. godine;
- Kopija Rješenja o izmjeni urbanističke saglasnosti za izgradnju reciklažnog dvorišta u naselju Gladno Polje donesenog od strane Službe za prostorno uređenje i zaštitu okoliša Općine Ilidža, broj: 03-19-6010-25 od 05.12.2025. godine;
- Informacija o uspostavljanju reciklažnog dvorišta data od strane Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, broj: 05.3/1.19.4406/26 od 24.02.2026. godine;
- Kopija Rješenja o prethodnoj vodnoj saglasnosti izdatog od strane Agencije za vodno područje rijeke Save Sarajevo, broj: UP-1/21-1-40-088-9/26 dana 22.04.2026. godine;
- Glavni projekat vanjskih hidroinstalacija snabdijevanja, prikupljanja, prečišćavanja i konačne dispozicije otpadnih voda „Reciklažnog dvorišta“, Općina Ilidža, K.O. Gladno Polje, k.č. 687/2, urađen od strane projektne kuće „TEAM HIDRO“ d.o.o. Sarajevo, novembar 2025. godine;
- Dokaz o uplaćenju upravnoj pristojbi.

Nakon uvida u dostavljenu projektnu dokumentaciju utvrđeno je sljedeće:

Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda.

Predmetni objekat – reciklažno dvorište se planira graditi na zemljištu označenom kao k.č. broj 687/2 K.O. Gladno Polje, naselje Rakovica, općina Ilidža.

Parcele na kojima se planira graditi predmetni objekat ne nalaze se u vodnom dobru i poplavnom području vodotoka I kategorije.

Vodosnabdijevanje predmetnog objekta će se vršiti putem gradskog vodovodnog sistema.

Na predmetnom lokalitetu ne postoji izgrađena javna kanalizaciona mreža.

Na predmetnoj lokaciji reciklažnog dvorišta nastaju otpadne vode koje će se prikupljati putem kanala sa slivnom rešetkom i internom kanalizacionom mrežom odvesti do separatora ulja i masti. Ovako tretirane vode preko okna za monitoring odvest će se do ispusta izvedenog u otvoreni kanal.

Projektna dokumentacija, dostavljena uz zahtjev, urađena je od strane pravnog lica „TEAM HIDRO“ d.o.o. Sarajevo, novembar 2025. godine, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-1/21-1-40-088-9/26 dana 22.04.2026. godine, te je, shodno članu 114. Zakona o vodama, upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavni projekat vanjskih hidroinstalacija snabdijevanja, prikupljanja, prečišćavanja i konačne dispozicije otpadnih voda „Reciklažnog dvorišta“, Općina Ilidža, K.O. Gladno Polje, k.č. 687/2, urađen od strane projektne kuće „TEAM HIDRO“ d.o.o. Sarajevo, novembar 2025. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnošću, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu od 60,00 KM u skladu sa članom 7. stav (1) Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno, pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.inž.građ.

Po ovlaštenju
Rukovodilac sektora za izdavanje
vodnih akata

Nihad Pezo, dipl.inž.građ.

PRILOG:

- Glavni projekat vanjskih hidroinstalacija - snabdijevanja, prikupljanja, prečišćavanja i konačne dispozicije otpadnih voda „Reciklažnog dvorišta“, Općina Ilidža, K.O. Gladno Polje, k.č. 687/2, urađen od strane projektne kuće „TEAM HIDRO“ d.o.o. Sarajevo, novembar 2025. godine.

Dostaviti:

- Općina Ilidža, Butmirska cesta broj 12, 71210 Ilidža (sa prilogom)
- ISV - vodna knjiga,
- Sektor 40 - arhiva
- Oglasna ploča AVP Sava